

# 'SDG KL perlu dijayakan bersama'

(20 FEBRUARI 2023) SINAR, P30

Ke arah pembangunan seimbang, terancang dan telus dari segi sosio ekonomi

Oleh MOHD AZLIM ZAINURY  
KUALA LUMPUR

**K**epentingan pelaksanaan Matlamat Pembangunan Mampan (SDG) ke arah mencapai Agenda Pembangunan Mampan Kuala Lumpur menjelang 2030 (Kuala Lumpur 2030) perlu dijayakan bersama.

Ahli Parlimen Wangsa Maju, Zahir Hassan berkata, maksud dan sejarah SDG perlu difahami oleh semua peringkat warga kota termasuk pemimpin masyarakat di Wilayah Persekutuan Kuala Lumpur bagi merealisasikan.

"Apa maksud SDG dan

sejarahnya perlu kita sama-sama faham dan berusaha merealisasikannya, tarikh dan tempoh dicadangkan adalah pada 2030 (Kuala Lumpur 2030) dan kita ada enam tahun lebih lagi untuk mencapai objektifnya.

"Seringkali kita dengar Kuala Lumpur adalah ibu negara yang mempunyai objektif hasrat dan cita-cita SDG dan saya kira, kita semua mempunyai peranan masing-masing untuk menjayakan agenda ini," katanya.

Beliau berkata, demikian pada Persidangan Kemampanan dan Kelestarian Wilayah Persekutuan Kuala Lumpur dengan tema *Towards Sustainable Kuala Lumpur City Through A Wholistic (Whole Of Society) Approach Where No One Is Left Behind* di Hotel Le Quadri, Kampus UCSI Cheras di sini baru-baru ini.

Majlis ini diadakan bagi mewujudkan kolaborasi bersepadu antara gabungan persatuan penduduk di Wilayah Persekutuan Kuala Lumpur, Ahli



ZAHIR

Kok Wai; Pengasas Kumpulan UCSI, Datuk Peter Ng; Bendahari Persatuan Promosi Matlamat Pembangunan Mampan, Antony Tan dan Ketua Projek Inisiatifnya,



Jeffery (kanan) bersama panel jemputan pada Persidangan Kemampanan dan Kelestarian Wilayah Persekutuan Kuala Lumpur baru-baru ini.

Parlimen Kuala Lumpur dan Dewan Bandaraya Kuala Lumpur bagi mencapai matlamat mewujudkan bandar raya Kuala Lumpur mampan dan lestari.

Majlis persidangan turut dihadiri Ahli Parlimen Cheras, Tan

Jeffery Phang serta wakil 52 persatuan penduduk di Kuala Lumpur, Tan Hooi Charn serta penceramah berpengalaman untuk berkongsi idea dan pandangan, untuk menangani isu berbangkit.

Jelas Zahir, mengikut bancian, Kuala Lumpur mempunyai 1.95 juta penduduk, daripada jumlah itu 90.9 peratus adalah warganegara manakala 9.1 peratus bukan warganegara.

Beliau menambah, dari segi pecahan umur pula terdapat 19 peratus warganegara yang ber-

umur di bawah 14 tahun, 74.2 peratus yang berumur 15 hingga 64 tahun dan selebihnya adalah melebihi 64 tahun.

"Kita bukan menentang pembangunan tetapi kita mahukan pembangunan seimbang, terancang dan telus serta penekanan terhadap aspek keberadaan penduduk sedia ada dalam keadaan sosial ekonomi, peningkatan kualiti hidup penduduk yang sejahtera dan seimbang termasuk kelestarian alam sekitar," katanya.

FOTO - RAFIQ